

## Fenchel.



Es heiß vnd  
 trucken / im an  
 dern Grad / vnd  
 man brauchet  
 den samen / kraut / rinde  
 de / vnd auch die Wurz  
 gel in der Artzney.  
 Den samen samle im  
 angehenden Monat  
 deß Herbsts / die Rind  
 den vnd Wurzeln  
 aber im angehenden  
 Meyen / vnd die wäs  
 set drey Jahr.

Den Frauen die  
 Kinder säugen / ist  
 Fenchel gut gessen /  
 mehret die Milch / rei  
 niget den Frauen ihre

Sucht / ist gut dem harten verstopfften Miltz vnd Lez  
 bern / auch denen / die mit noth nezen / die den Stein  
 haben.

Vnd so die ietzt genannte Kranckheiten seind von  
 Sitz / soll man die rinde vom Fenchel / vnd Wurtzel sies  
 den in Wein / vnd nezen so man schlaffen will gehen /  
 nimpt auch den Stein in der Blasen / vnd bringet den  
 Frauen ihre zeit. Fenchelsafft ist gut genüzet zur  
 Gelbsucht / der Safft von der Wurtzel / ist gut zu den  
 Augen: Vnd die Wurtzel gekocht mit Gerstenmäl vnd  
 Wein getruncken / hilfft wol den Wassersüchtigen.

## Fenchel Wasser.

Das Kraut distillier allein im Ende deß Meyens /  
 aber die wurtzel im ende der Hundstagen. Getruncken  
 näch



## Von allerhand Arzneyen/

nächtern/Morgens vnd Abends/iedes mahl auff drey  
Loth/reiniger das Hertz/stärcket das Hirn/macht weit  
vmb die Brust/vertreibet den Husten/reiniger die  
Lunge/den Magen/gut der Lebern/öffnet die Nies-  
ren/vnd Blasen/treibet den Stein darauß/stillet das  
Bauchwehe/vertreibet die Wassersucht/mit Wein ge-  
truncken/vertreibet die Gelbsucht/öffnet Verstopf-  
fung des Miltzes/bringet den Frawen ihre Zeit/vnd  
macht ihnen die Milch kommen.

In die Augen gethan/schärpffet das Gesicht/vert-  
treibet das schweren vnd roth in den Augen/machet  
ein häpisch Angesicht/Abends vnd Morgens darmit  
gewaschen.

## Brunnkress.

**D**er samen vnd Brunnkress roh gessen/benimpt  
den Stein/der von Hitz kompt/machet Saar-  
nen.Brunnkress bringet den Frawen ihre Zeit.  
Gesotten mit Wein/vnd den getruncken/be-  
nimpt die Lendensucht/den kalten Seich.Ist gut für  
die Hitz der Lebern im Salat gessen.

## Brunnkress Wasser.

Die Bletter auff einer Spännlen lang abgebrochen  
mit den Dolden gebrandt im ende deß Meyens/ist be-  
wert für das Grien/Morgens vnd Abends getruncken/  
iedes mal auff vier loth/vertreibet die Würm im Leib/  
gut für Lungensucht vnd Lebersucht/doch trincke  
man nicht zu viel auff einmahl.Das Haupt damit  
generet/ist gut für das Haar aufffallen.

## Farenkraut.

Waldfaren/ Wydfaren.

Farens